



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM

Komisija za vanjske poslove

Broj:01,2-50-3-64/04

Sarajevo, 04.02.2004.godine

ZAPISNIK

sa sedamnaeste sjednice Komisije za vanjske poslove

Sjednica je održana 03.02.2004.godine sa početkom u 10:00 sati.

Ispred Komisije za vanjske poslove su sastanku sa novoimenovanim ambasadorima/veleposlanicima Bosne i Hercegovine prisustvovali sljedeći njeni članovi: Martin Raguž, Seada Palavrić, Jelina Đurković i Vinko Zorić.

Zapisnik je vodila tajnik Komisije, Merdžana Iglica.

Predsjedatelj Komisije je predložio sljedeći

DNEVNI RED

1. Nastup i predavljanje devet novoimenovanih ambasadora/veleposlanika Bosne i Hercegovine u inozemstvu i razmjena mišljenja sa članovima Komisije, te Informacija o stanju diplomatsko-konzularne mreže BiH u svijetu (materijal MVP-a BiH);
2. Tekuća pitanja.

Ad.1. Komisija je razmatrala predloženi Dnevni red Komisije za vanjske poslove Zastupničkog doma Parlamentarne skupštine BiH i jednoglasno ga usvojila;

Ad.2. Komisiji za vanjske poslove se predstavilo devet novoimenovanih ambasadora/veleposlanika Bosne i Hercegovine u inozemstvu, kako slijedi:

- | | |
|------------------------|-------------------------------------|
| 1. Senahid BRISTRIĆ | Ambasador/veleposlanik u Iranu |
| 2. Hasan DERVIŠBEGOVIĆ | Ambasador/veleposlanik u Norveškoj |
| 3. Nedeljko MASLEŠA | Ambasador/veleposlanik u Izraelu |
| 4. Mustafa MUJEZINOVIĆ | Ambasador/veleposlanik u Maleziji |
| 5. Šerif MUJKANOVIĆ | Ambasador/veleposlanik u Kuvajtu |
| 6. Jasmina PAŠALIĆ | Ambasador/veleposlanik u Švicarskoj |
| 7. Ferhat ŠETA | Ambasador/veleposlanik u Libiji |
| 8. Krunoslav VASILJ | Ambasador/veleposlanik u Jordanu |
| 9. Jusuf PUŠINA | Generalni konzul u Istambulu |

Članovima Komisije za vanjske poslove najprije je predstavljena novina i iskorak naprijed u radu Ministarstva vanjskih poslova BiH, a to je Program priprema novoimenovanih ambasadora/veleposlanika Bosne i Hercegovine, za obavljanje diplomatske misije u inozemstvu. Program ukupno traje 62 radna dana, a podrazumijeva zajedničke, individualne pripreme i završni razgovor. Cilj ovog programa je da novoimenovanim ambasadorima omogući upoznavanje sa svim pitanjima vezanim za rad u zemlji prijema u svojstvu šefa diplomatske misije BiH.

Novoimenovani ambasadori/veleposlanici su članovima Komisije za vanjske poslove prezentirali prioritete svog rada, a zajednički naglasak je bio na što pozitivnijem predstavljanju Bosne i Hercegovine u svijetu, kako bi informacije o postignutim aktuelnim reformama u našoj zemlji dobile odgovarajući odjek u inozemstvu. U toku razgovora je također istaknuto da je potrebno sinhroniziranje aktivnosti Vijeća ministara BiH, Predsjedništva BiH, Parlamentarne skupštine BiH i Ministarstva za vanjske poslove BiH, da bi što bolja informiranost o pozitivnim dešavanjima u našoj zemlji doprinijela učvršćivanju bilateralnih odnosa i stvaranju uvjeta za dolazak stranih investicija u Bosnu i Hercegovinu.

Ambasadori/veleposlanici Bosne i Hercegovine su prisutne članove Komisije uvjerali da će svoju djelatnost, osim ekonomskog povezivanja, svakako usmjeriti i na kulturnu, obrazovnu, kao i suradnju u oblasti turizma.

Članovi Komisije za vanjske poslove Zastupničkog doma su ovom prilikom naglasili da će pokrenuti inicijativu za održavanje redovnih godišnjih sastanaka parlamentaraca sa ambasadorima/veleposlanicima naše zemlje u inozemstvu. Na taj način će se omogućiti neophodno informiranje i mogućnost za što kvalitetniju komunikaciju članova diplomatsko-konzularne mreže sa predstavnicima zakonodavne vlasti.

Sjednica je završena u 12 i 30.

Predsjedatelj Komisije
Martin Raguž

Zapisnik sačinila: **Merdžana Iglica**, tajnik Komisije